


地區鴿話派禮「唔健康」 同黨豪贈消化餅又點計?

大家都做地區服務，有時派吓優惠畀街坊，都係關懷嘅一種，但反對派自己就「理所當然」，建制派做就抹黑做「蛇齋餅糶」。近日，民主黨葵青區議員吳劍昇就係咁發文，話「有政黨不斷派禮給居民，我認為呢種手法極不健康」。民建聯新界西立法會議員陳恒鑽就上傳民主黨立法會議員尹兆堅同區議員林紹輝每人派8包消化餅，揶揄話民主黨一邊話自己資源不足，一邊就長派長有，仲質疑佢咁有錢，點解仲要搞眾籌。



吳劍昇暗示話人派禮係收買人心，唔知係咪講緊尹兆堅同林紹輝呢？ fb截圖

話說吳劍昇早前嘅佢fb發帖，話自己「不得不發聲」，唔點名話近期「有政黨不斷派禮給居民」，「我認為呢種手法極不健康」，「我覺得我地(咁)D(啲)居民係需要做實事(嘅)人幫手，而唔係要個(喇)啲以為派禮物就可得人心(嘅)人，我深信人在做，天在看」云云。

恒鑽舉證嘲鴿份窮實土豪

派禮物同做實事事實上冇矛盾嘅！但自己都識講嘞，街坊都唔係蠢人，唔係係咁甜頭就嘅到嘅。陳恒鑽就係咁發帖，轉發咗一張WhatsApp截圖，圖中顯示同屬民主黨嘅尹兆堅同林紹輝昨日下午大派朱古力消化餅，仲豪到一人派8包。

陳恒鑽揶揄吳劍昇道：「今時今日，蛇齋餅糶(糶)中的月餅已經過時，白鴿嘅最新玩法係派朱古力消化餅，仲要係每人8包，真係繼派雞、菜、生果、奶粉之後，又一傑作！我地(喇)真係望塵莫及喇！」

佢仲嗱帖子標註咗「一邊話自己資源不足」、「另一邊長派長有資源無限」，同時揶揄鴿黨近期「新聞」，包括行政長官林鄭月娥在該黨黨慶捐咗3萬元一事：「3萬元可以派到幾多包消化餅」，同埋該黨議員林卓廷話要搞眾籌調查UGL事件：「洗(使)乜眾籌呀後台咁厚。」

陳恒鑽又在留言中張貼吳劍昇個帖，寸佢係「失實聲明」。民建聯北區區議員曾興隆就留言，話吳劍昇係「同佢黨友講ga(嚟)」。「工聯會新界東社區總幹事鄧家彪也分享陳恒鑽的帖子，淡然道：「真係民主黨地區工作之日常。」

網民爆「奸人堅」派腰包


唔少網民鬧爆民主黨，有人仲揶揄吳劍昇此前搞「愛心茶敘」嘅相。「Tai Ning Lee」更搵返張尹兆堅同林紹輝另一張派腰包嘅海報，仲話：「重點係奸人堅唔係葵青區議員，佢用區議會野(嘢)去做同區議員以外的個人宣傳，真係好鬼好狡無恥！」

民建聯葵青支部也發帖講呢件事：「即係話，話說某政黨某議員最近騷騷豬，話不斷派野(嘢)比(界)街坊唔健康，仲投訴自己有野(嘢)派，但同一政黨同區某議員又不斷派野(嘢)WO(嗰)，又派奶又派維他命水又派8公斤米又派雞，呢個究竟係咩玩法？媽~我好亂呀！」

尹兆堅在接受香港文匯報查詢時聲稱，不少大機構都會透過地區團體派發一些「差不多到期」的食物，一來不用浪費，供應商也可以節省存倉費用，二來可令市民受惠，達至社會共享的雙贏局面。該批餅乾將於下月到期，由慈善組織「食得好」透過社區共享基金轉贈，民主黨只是扮演「轉介」的角色。



尹兆堅同林紹輝大派消化餅，「我認為呢種手法極不健康。」 fb圖片



陳恒鑽發帖寸爆吳劍昇。 fb截圖



「議員助理」是不少政治新星的搖籃。參加今年立法會港島區補選的新民黨中委會委員陳家珮，近日獲黨主席葉劉淑儀聘任為兼職議員助理，未來將主要負責環保、勞工及婦女等議題。

網民鬧爆吳「州官」

Marco Chan：最賤格莫過是批評人做的自己卻做到加零人(一)！民主黨真無恥！

Wong Hing Lee：呢啲係只準(准)州官放火不准百姓點燈。成日就話建制派蛇齋餅糶(糶)，到而(啲)家佢咪又係咁，仲每人八包派(嚟)，呢啲得流佢班泛民先做得出。

Cham Lim：果(嗰)頭笑建制派，呢頭有樣學樣，如此做法簡直哀格無比，泛民唔死都無用的廢物垃圾！

Raymond ML：唔係你！肥仔堅(尹兆堅)就係咁先上位。

Gisy Gu：噴噴~ 民主黨講一套做一套，有錢買餅冇錢打官司！眾籌D(啲)錢錢打官司都可以代(袋)住先系(係)咪！

資料來源：facebook留言 整理：香港文匯報記者 鄭治祖

工聯大埔居民大會講財案



工聯於大埔舉行居民大會，為街坊講解財政預算案各種惠民細節。

口裡說關心社區，身體都要跟上，唔好淨係識打嘴炮。唔少市民都十分關心新年度財政預算案，但其中唔少就未必清楚每項惠民措施嘅細節。工聯會立法會議員陸頌雄、新界東社區總幹事鄧家彪同大埔地

區服務處社區幹事陳君寶前晚就搞咗個居民大會，講解預算案內容及長者生活津貼等惠民措施的最新安排。出席呢次活動嘅鄧家彪，就在fb分享了當晚的情況。他指出，好多市民關心的是長遠醫療服務質素。事實上，財政預算

案不單是講醫療卷，更重要是預留3,000聘，供未來10年醫院擴建；確保聘用醫科畢業生，及持續增加對醫管局年度注資。「我們更加建議大埔要增設地區健康中心，選址正是已停用多年的前賽馬會泳池地。」

香港文匯報記者 陳川

家珮任葉太議助 主打環保勞工婦女



陳家珮期望透過在立會工作深度學習並讓服務層面更廣。 香港文匯報記者梁錫彝 攝

「議員助理」是不少政治新星的搖籃。參加今年立法會港島區補選的新民黨中委會委員陳家珮，近日獲黨主席葉劉淑儀聘任為兼職議員助理，未來將主要負責環保、勞工及婦女等議題。

陳家珮昨日下午現身立法會大樓，即時引起傳媒的關注。葉劉淑儀表示，自「311」立法會補選後，她覺得家珮在經過競選的洗禮後，對議會的運作、各項政策等都很熟悉。剛巧自己有一名議員助理離職，遂聘請陳家珮。

葉太續說，由於該黨連同自己只有兩名立法會議員，覆蓋的議題未夠全面，加上自己工作繁忙，一直無法多處理勞工議題。陳家珮加入後，將會主力負責外備、家暴、環保等議題。

家珮：不礙區務 服務更廣

陳家珮表示，自己很關注廢物回收等環保議題，加上身為人母，幼兒、安老、外備這些問題就更有切身的感受，故希望以葉太助理的身份，作出貢獻。

被問及身為南區區議員，要兼任立法會議員助理會否影響地區工作時，陳家珮表示，議會中其實有不少「雙料議員」，葉太還身兼行政會議成員，也可以應付到手上的工作，相信自己兼任議助，不會影響其區議員工作。

她又笑言，自己兼職議助月薪為1萬元，每星期最少工作15小時，並於本月3日已開始工作。被問到與前對手區議員軒在立法會大樓內「狹路相逢」？陳家珮笑言：「成日都見到佢，可能着吃西餐睇仔咗。」

她其後又在fb分享了自己的感受。她說：「選舉期間，我接觸了不少市民及地區組織，他們向我反映了社會上各種意見及訴求。雖然我未能成功當選，但卻在選舉過程中獲益良多，認識許多新朋友之餘，亦對不同的人、事、各種問題都有更深入的了解，大大擴闊了我的視野。」

雖然未能晉身立法會，但她已出任葉太的兼職議員助理，「我希望透過這工作崗位及平台，更有效聚焦及跟進我所關注的問題，希望學到更多之餘，亦可在更廣闊的層面服務大家。繼續秉承理性務實，以及新民黨『講真話 做實事』的宗旨及原則為民發聲，服務香港。」

香港文匯報記者 鄭治祖

民記倡擴資助赴「帶路」升學

國家在2013年提出的「一帶一路」倡議有力推動了區域教育大開放、大交流和融合。為了配合倡議的實施，國家教育部推出了多項措施，並在2016年印發了《推進共建「一帶一路」教育行動》的通知，就推動與沿線國家的教育合作制訂和確立了框架及多個指導原則。

截至2017年4月，國家已與「一帶一路」沿線國家簽署了45份教育雙邊多邊合作協定，與24個沿線國家簽署了學歷學位互認協定，還成立了「絲綢之路中國政府獎學金」，並成立了13個雙邊專項獎學金，如中蒙、中坦、中埃和中印尼等，每年向沿線國家提供一萬個獎學金新生名額，助力推動與擴大中外人文交流。

學生赴沿線國需求龐大

不過，現時的政策以吸引沿線國家學生來華升學為主，故此新成立多項獎學金的目標群體均是海外學生，本國學生欲到沿線國家升學，只可享受國家公派的政策，其他學生只能靠自費。2012年以來，中國共有約35萬人赴「一帶一路」沿線國家留學，其中國家公派人員僅佔1.19萬人。可見，中國學生往沿線國家升學的需求非常龐大，但得到的物質援助目前仍不成比例。此情況不利於落實「一帶一路」倡議民心互通的目標。

就此，民建聯在兩會上提出了幾項建議，包括將目前多個專項獎學金的受惠對象擴大至中國的學生，令有意往沿線國家留學的中國學生，只要符合一定資格，都可以申請國家的援助。此外，應大幅提高國家公派人員的比例，並因應具體情況，放寬申請的條件限制，讓更多中國學生可以受惠。同時，應研究加強協調相關高等院校、海外使館及機構的行政安排，為沿線國家的中國留學生提供更多生活、學術及專業發展等資訊及機會，令鼓勵海外留學的各項政策能發揮最大功效。

保「後庭」阻華富重建 乳鴿寸爆蟲災

「自決派」嘅蟲災(姚松炎)忽發奇想想太古城起屋，但就力保自己「後庭」，即住緊緊置富花園，話要將置富花園旁邊土地申請成為生態古蹟公園，而唔准用作搬遷華富邨安置居民之用。此前發帖質疑蟲災嘅民主黨南區區議員柴文瀚近日就發帖，話房屋署其實曾提出保育方案，但就受到蟲災等人嘅打擊，估計下月城規會審議時又會戰火連天。

蟲災早排話要係太古城建屋就鬼叫口響，但一講到要係住緊置富附近起屋安置受華富邨重建影響居民，但就即刻動員反對。由佢支持嘅「置富花園居民協會」及「南區綠化地改劃關注組」，向城規會提出申請，將置富山谷一幅約3.4公頃的住宅用地改劃為生態古蹟公園。不過，城規會最終不同意相關建議。

柴文瀚當時就發帖揶揄蟲災：「平行時空下，姚松炎反對置富旁興建公屋，接收華富重建戶，計劃因此略被拖延，但同時又主動出擊，提出太古城旁可以起基層房屋。查實，置富同新華富距離，比較太古城住宅同

鰂魚涌公園距離，相差好似唔大？」

蟲災曾反房署保育方案 佢近日轉發咗城規會否決生態古蹟公園的報道，指房署在2016年，曾為免華富重建被拖延，主動將被否決改劃位置單位大減至1,300個，但蟲災等人不但未有支持，反而進一步打擊，「即使今天華富重建已放棄該處，退至華富迴旋處附近，反對持續，預計下月城規會審議時，又再戰火連天。」

柴文瀚話，自己在署方前年提案時，則預計可參考馬坑公園模式，以步行徑連接沿途古廟等成功例子，行山者受惠之餘，更令華富及置富居民獲得「真正的後花園」。佢仲不點名質疑蟲災的想法係天馬行空：「在行政程序上，若沒有政府部門執行，除非獲得龐大資金作私人公園共享，否則根本無法落實計劃，相信這也是現時不少市民，只見討論論，但未有深思如何成功落實的問題；而香港未實現普選，即使民選從政者也常見多談少做，甚至少做少錯，誤解持續令人憂慮。」

鴿粉嘲姚地位超然區隔基層 民主黨副主席、同係南區區議員嘅羅健熙都like咗篇帖文。「Donald Chow」就留言道：「其實講到尾置富中產階層市民根本唔希望與華富邨啲一群基層市民為鄰，所以就有人編出種種藉口來否決這個計劃！」柴文瀚回應道：「若落實當年房署計劃，相信上述「置富富道」位置，也為出售公營房屋，剛好融合兩個階層。」

「Dennis Yao」就批評：「置富D(啲)人一向都是覺得自己係高高在上嘍啦！」柴文瀚不忘潤蟲災一嘢：「的確好唔想呢種風氣持續，更唔希望泛民內有人口中說不，內心相同。」

借保育阻建屋「說好與民共議」

「Tommy Hui」就批蟲災：「得罪講句，講就講話保育，但你班人住咗咁多年，早唔搞遲唔搞，直到政府想起樓先做呢啲動作。真係司馬昭之心，路人皆知。」「Dennis Yao」就道：「其實都預左(咗)建制派會死chur啲嘅，不過係冇



蟲災被錫爆為保後庭曾反對房署提出的保育方案。 fb截圖

論過連曾經係自己界別出身(嘅)都會反對啫！」公署沙田區議員容漢舟就趁機揶揄：「問下姚松炎，說好的與民共議呢？」

香港文匯報記者 陳川